

eris, qui habebis de calumnia pecuniam? Ille qui propter vitandam calumniam tempus a te redimit, hic tolerat dies malos : tu autem qui de calumniis pasceris, hic habebis dies malos, et post istos habiturus es in die judicii pejores. Sed hoc forte rides, quia pecuniam rapis. Ride, ride, et contemne : ego erogem, veniet qui exigat.

SERMO CLXVIII¹.

De verbis Apostoli, Ephes. vi. *Pax fratribus, et charitas cum fide*. Sive de gratia Dei, secundum Vasis electionis confessionem atque doctrinam, quoniam fides misericordiae Dei donum est.

I. LECTONIBUS, cantis, sermonibusque divinis, et quod est præcipuum, gratia sua ædificet Dominus cor vestrum; ut quod verum auditis, non audiatis ad judicium, sed ad præmium. Facit hoc, quoniam qui promisit, potens est et facere. Ita credidit Abraham, dans gloriam Deo, nude et plenissime credens, quoniam quæ promisit potens est et facere². Magnum nostrum gaudium, nos promisit Abrahæ : nos promissionis filii sumus. Quando enim dictum est Abrahæ : « In semine tuo be-» nedicentur omnes gentes, » nos promissi sumus. Ergo ipse nos fecit filios fidei Abrahæ, qui potens est facere quod promisit. Nemo dicat : Ego feci. Non enim promittit Deus, et facis tu. Potest autem recte dici, quia quæ promittis tu, facit Deus. Tu enim infirmus es, tu omni-

¹ Alias xvii, ex Homiliis 50. — ² Rom. iv, 20. Galat. iv, 28. Gen. xxii, 18.

potens non es. Quando ergo promittis, nisi Deus faciat, inanis est promissio tua. Dei autem promissio non pendet ex te, sed ex illo, Sed ego, inquis, credidi. Concedo. Verum dicas : tu credidisti, sed non tibi tu fidem dedisti. Unde autem credidisti, nisi ex fide? Fides in te donum Dei est.

II. Audi Apostolum ipsum fidei disputatorem, et gratiæ magnum defensorem; audi eum dicentem : « Pax fratribus, et charitas cum fide³. » Magna tria dixit : Pax, charitas, fides. A fine coepit, ad initium terminavit. Initium est enim in fide, finis in pace. Qua enim credimus, ipsa est fides. Sed fides debet esse Christianorum, non dæmoniorum. Nam sicut dicit Jacobus apostolus : « Et dæmones credunt, et contremiscunt⁴. » Et dæmones dixerunt Christo : « Tu es Filius Dei⁵. » Confitebantur dæmones, quod non credebant homines. Illi tremuerunt, illi occiderunt. Quid enim, quia dixerunt dæmones : « Tu es Filius Dei, » scimus qui sis; ideo regnaturi sunt cum Filio Dei? Absit. Discernenda est ergo fides dæmonum a fide sanctorum. Plane discernenda vigilanter et diligenter. Nam et Petrus hoc dixit Domino dicenti : « Quem me esse dicitis? Tu es Christus Filius Dei vivi. » Et Dominus : Beatus es Simon Bar-Jona⁶. » O Domine, hoc tibi dixerunt et dæmones : quare ipsi non sunt beati? Quare? Quia dæmones hoc dixerunt timore : Petrus amore. Ideo initium est a fide. Sed quali fide? Quam defnivit Apostolus : « Neque circumcisio aliquid valet, neque præputium, sed fides. » Dic quæ fides? « Quæ per dilectionem operatur⁷. » Hanc dæmones non habent fidem, quæ per dilectionem operatur : sed soli servi Dei, soli sancti Dei, soli fide filii Abrahæ, soli filii di-

¹ Ephes. vi, 23. — ² Jacob. ii, 19. — ³ Marc. iii, 12. — ⁴ Matth. xv, 15-17. — ⁵ Galat. v, 6.

S. AUGUSTINI EPISCOPI SERMO CLXVIII
lectionis, filii promissionis : ideo dicta est « Et charitas. » Tria illa dicta sunt ab Apostolo : « Pax fratribus, et charitas cum fide. Pax fratribus. » Unde pax? « Et charitas. » Unde charitas? « Cum fide. » Si enim non credis, non amas. Dixit ergo Apostolus, sic incipiens a fine, et veniens ad initium : « Pax, charitas, cum fide. » Nos dicamus : Fides, charitas, pax. Crede, ama, regna. Si enim credis, et non amas; adhuc non disrevisti fidem tuam ab eis qui tremebant et dicebant : « Scimus qui qui sis, Filius Dei¹. » Ergo tu ama : quia charitas cum fide ipsa te perducit ad pacem. Quam pacem? Veram pacem, plenam pacem, solidam pacem, securam pacem; ubi nulla pestis, nullus hostis. Ipsa pax est finis omnium desideriorum bonorum. « Charitas cum fide ; » et si sic dicas, bene dicas : « Fides cum charitate. »

III. Magna ergo bona commemoravit Apostolus : « Pax fratribus, et charitas cum fide : » magna bona². Sed dicat, unde bona ista : unde sunt, a nobis, an a Deo? Si dicas, a nobis; in te gloriaris, non in Deo. Si autem didicisti, quod ait et ipse Apostolus : « Ut qui gloriatur, in Domino glorietur³; » confitere pacem, charitatem cum fide, non tibi esse nisi a Deo. Sed respondes mihi: Tu hoc dicas, proba quod dicas. Probo: ipsum Apostolum testem vocabo. Ecce habetis; Apostolus dixit: « Pax fratribus, et charitas cum fide. » Ipse dixit. Quid ipse dixit? Vide, sequitur : « Pax fratribus, et charitas cum fide, a Deo Patre nostro et Domino Iesu Christo. » Quid ergo habes quod non accepisti? Si autem acceptisti, quid gloriaris quasi non acceperis⁴? Nam si gloriatus est Abraham, ex fide gloriatus est. Quae est fides plena et perfecta? Quae credit ex Deo esse omnia bona

¹ Marc. i, 23. — ² De grat. et libero arb. c. 18. — ³ 1 Cor. i, 31. — ⁴ Id. iv, 7.

nostra, et ipsam fidem. Iterum dicit Apostolus : « Misericordiam consecutus sum. » O confessio! Non ait : « Misericordiam consecutus sum, » quia fidelis eram; sed, « Ut fidelis essem, misericordiam consecutus sum⁵. »

IV. Veniamus ad ejus primordia, videamus Saulum saevientem, spectemus furentem, spectemus odia anhelantem, sanguinemque sitientem. Spectemus, fratres, eum, magnum spectaculum. Ecce post Stephani necem, post effusum testis Dei lapidibus sanguinem, ubi vestimenta servabat lapidantium, ut et in eorum etiam manibus lapidaret, tunc dispersi sunt fratres, qui erant Jerosolymis congregati²; et ille saeviens cui parum erat vidisse et fusisse sanguinem Stephani, accepit litteras a principibus sacerdotum, ut iret Damascum, et quoscumque ibi inventiret Christianos, vincitos adduceret³. Et ibat. Haec Pauli via erat, cuius via nondum erat Christus; adhuc Sauli, nondum Pauli. Ibat. Quid habebat in corde? Quid, nisi malum? Date mihi merita ejus. Si merita queris, damnationis sunt, non liberationis. Ibat ergo saevire in membra Christi, ibat sanguinem fundere, ibat lupus pastor futurus: sic ibat. Non enim poterat aliter ire ad illa, propter quae ibat. Et cum sic ambulat, cogitat, anhelat cædes; cum dicit pedes ejus ira, movet membra odium, dum pergit et ambulat, obtuperat mancipium crudelitati: et ecce vox de cœlo : « Saule, Saule, quid me persequeris⁴? » Ecce quare dixit : « Misericordiam consecutus sum, ut fidelis essem⁵. » Erat infidelis; parum est, erat in ipsa infidelitate crudelis: sed misericordiam consecutus est, ut fidelis esset. Quid dicturus es Deo dicens: Hoc volo? Ergo, Domine, ille qui tanta fecit, tanta mala in sanctos tuos facere cupiebat, tali eum mi-

¹ 1 Cor. viii, 25. — ² Act. vii, 57. — ³ Id. ix. — ⁴ Ibid. 4. — ⁵ 1 Cor. vii, 25.

sericordia dignum existimas? Hoc volo. « An oculus tuus
» nequam est, quia ergo bonus sum⁴? »

V. Habete fidem: sed ut habeatis fidem, orate fide. Sed orare fide non possetis, nisi fidem haberetis. Non enim orat, nisi fides. « Quomodo enim invocabunt, in quem » non crediderunt? aut quomodo credent ei, quem non » audierunt? Quomodo autem audient sine prædicante? » aut quomodo prædicabunt, si non mittantur²? » Ideo loquimur, quia missi sumus. Audite nos, audite illum per nos. Ergo ait aliquis: Invocamus Deum, ut det nobis perseverare in his bonis quæ habemus, et addat bona quæ non habemus. Præcessit ergo fides quæ rogat. Certe totum dat Deus³. Ut enim daret mihi, rogavi: ut rogarrem, prius credidi. Ergo mihi dedi quod credidi, et Deus dedit quod credens oravi. Solvatur quæstio: non enim parva est. Hoc te video loqui, quia tu prior dedisti aliiquid Deo, ut cætera daret tibi. Dedisti quippe illi fidem tuam, et orationem tuam. Et ubi est quod ait Apostolus: « Quis enim cognovit sensum Domini, aut quis consiliariusejus fuit? Aut quis prior dedit illi, et retribuetur ei⁴? » Ecce qualis vis esse. Ergo prior dedisti Deo, et hoc dedisti quod tibi non dedit Deus? Invenisti unde dares? Homo mendice, unde habuisti? Ergo unde dares aliiquid habuisti? « Quid enim habes, quod non accepisti? » Ergo de Dei das Deo: ex eo quod tibi dedit, a te accipit. Nam mendicitas tua, nisi ipse prior dedisset, inanissima remaneret.

VI. Audite unde hoc evidenter probetis. Ecce vos quia credidistis, accepistis: quid dicimus de eis qui nondum crediderunt, qualis erat Saulus, qui nondum crediderat? Accepit autem ut crederet: posteaquam credidit Christo,

¹ Matth. xx, 15. — ² Rom. x, 14, 15. — ³ Vide lib. de grat. et libero arb. c. 14. — ⁴ Rom. xi, 34, 35.

tunc coepit invocare Christum. Ab illo accepit ut crederet, et credendo invocaret, invocando cætera acciperet. Quid putamus, fratres? Saulus antequam crederet, orabant pro illo qui crediderant, annon orabant? Dicatur mihi, si non pro illo orabant, quare dixit Stephanus: « Domine, ne statuas illis hoc peccatum⁴? » Orabantur et pro illo, et pro aliis infidelibus, ut crederent. Ecce nondum habebant fidem, et orationibus fidelium accipiebant fidem. Nondum habebant quod Deo offerrent, quia nondum erant misericordiam consecuti, ut fideles essent. Denique posteaquam Saulus iste conversus est, una voce elitus et levatus, elitus persecutor, levatus præparator: posteaquam coepit evangelizare fidem, quam aliquando vastabat, quid de se dixit? « Eram autem ignotus facie » Ecclesiis Judææ, quæ sunt in Christo: tantum autem » audiebant, quia is qui aliquando nos persequebatur, » nunc evangélizat fidem, quam aliquando vastabat; et » in me magnificabant Deum². » Numquid dixit: Et in me magnificabunt me? Et in me, qui evangelizabam fidem, quam aliquando vastabam, nou me magnificabant, sed Deum. Ergo ipse fecit, ut Saulus deposita tunica veteri, peccatis pannosa, cædibus sanguinea, ut deposita ista tunica, acciperet tunicam humilitatis, et fieret de Saulo Paulus.

VII. Quid est Paulus? Minimus. « Ego enim sum minimus Apostolorum³. » Ecce quid est Paulus. Paulum enim latine modicum est. Sic loquimur, quando dicimus: Post paulum video te: Paulo post facio illud. Quid est, paulo post? Modico post: post paulum, post modicum. Quare ergo Paulus? Quia modicus. Modicus, quia novissimus. « Ego enim sum, inquit, novissimus Apostolorum, » qui non sum dignus vocari Apostolus, quia persecutus

¹ Act. vii, 59. — ² Galat. i, 23, 24. — ³ 1 Cor. xv, 9.

» sum Ecclesiam Dei. » Bene dicis : unde debuisti damnari, ab eo accepisti unde debeas coronari. A quo accepisti unde debeas coronari ? A quo accepit, vultis audire ? Nolite me, ipsum audite : « Non sum, inquit, dignus vocari Apostolus, quia persecutus sum Ecclesiam Dei ; sed » gratia Dei sum id quod sum¹. » Ergo quod eras, iniquitatetuaeras; quod es, gratia Dei es. « Et gratia ejus, inquit, » vacua in me non fuit. » Ecce evangelizat fidem, quam aliquando vastabat : nec gratia ipsa vacat in illo, qui ait : « In me vacua non fuit, sed plus omnibus illis laboravi. » Observa, erigere te coepisti. Ubi es, Paule? Certe modicus eras. Plus omnibus illis laboravi. Dic unde? « Quid enim habes quod non accepisti²? » Statim respexit : et cum dixisset : « Plus omnibus illis laboravi ; » quasi expavit ad verba sua : et mox subjicit se humilem Paulum : « Non autem ego, sed gratia Dei mecum. »

¹⁹ VIII. Ergo, fratres mei, ut noveritis etiam fidem a Domino Deo esse nobis, orate³ pro illis qui nondum crediderunt. Si quis habet amicum forte infidelem, moneo illum ut oret pro illo. Vere opus est ut ego illum moneam? Maritus Christianus est, uxor infidelis est : non orat pro uxore sua, ut credat? Uxor est Christiana, maritus infidelis est : non orat mulier religiosa pro marito suo, ut credat? Quando hoc orat qui orat, quid orat, nisi ut Deus det illi fidem? Ergo donum Dei est fides. Nemo se extollat, nemo sibi arroget, quasi sibi aliquid dederit. « Qui gloriatur, in Domino glorietur⁴. »

¹ Cor. xv, 9, 10. — ² Id. iv, 7. — ³ Forte oratis. — ⁴ 1 Cor. i, 31.

SERMO CLIX¹.
De verbis Apostoli, Philip. III. *Nos enim sumus circumcisio, qui spiritui Dei servimus, etc.* Contra Pelagianos.

I. Ad Apostolicam lectionem aures et animum intendat Sanctitas Vestra, adjuvando nos affectu vestro apud Dominum Deum nostrum, ut ea quae ille nobis revelare dignatur, ad vos apte atque salubriter proferre possimus. Ergo cum legeretur, audistis dicentem apostolum Paulum : « Nos enim sumus circumcisio, qui spiritui Dei servimus². » Scio plerosque codices habere, « Qui spiritu Deo servimus. » Quantum autem inspicere potuimus, plures Graeci hoc habent, « Qui spiritui Dei servimus. » Sed non ibi quæstio est. Manifestum est enim utrumque, et congruum regulæ veritatis, quia et spiritui Dei servimus, et non carne, sed spiritu Deo servimus. Carne enim servit Deo, qui de rebus carnalibus sperat se placere Deo. Cum vero et ipsa caro ad bona opera spiritui subditur, spiritu servimus Deo : quia carnem domamus, ut spiritus obtemperet Deo. Spiritus enim regit, caro regitur : nec spiritus bene regit, si non regatur.

II. Cum ergo ait : « Nos sumus circumcisio ; » videte quid voluerit intelligi in illa circumcisione, quæ in umbra data est significante, quæ remota est luce veniente. Cur autem non dixerit : Nos habemus circumcisionem ;

¹ Alias xv, de verbis Apostoli. — Habitus ad mensam sancti martyri Cypriani. — ² Philip. iii, 3.